



UNIVERSITI
TEKNOLOGI
MARA



UiTM NEWS HUB

Hab Berita Rasmi UiTM



[Home](#) / [2025](#) / [August](#) / UiTM Pahang Perkukuh Kolaborasi Serantau Melalui Program Khidmat Komuniti Universiti (USR) di Indonesia

GRU2025

11/08/2025 / HAZLIN HASAN



Surabaya, Indonesia, 5 Ogos 2025 – Universiti Teknologi MARA (UiTM) Cawangan Pahang terus memperkukuh peranannya sebagai institusi pendidikan tinggi yang aktif dalam komuniti melalui pelaksanaan Program Khidmat Komuniti Universiti (USR) bersama Ma'ahad As-Sultan Ahmad Shah Ad-Dini (MSAS) di SD Lab Universitas Negeri Malang, Indonesia. Program ini berlangsung dari 14 hingga 17 Julai 2025, dan melibatkan penyertaan seramai 25 pelajar, wakil PIBG serta guru-guru MSAS, dengan Profesor Madya Dr Tengku Intan Suzila Tengku Sharif dan Puan Hazlin Hasan dilantik sebagai Konsultan Program.

Aktiviti utama USR telah dilaksanakan pada 15 Julai 2025, bermula seawal jam 8:30 pagi waktu Indonesia dengan sesi sambutan rasmi oleh Ibu Alvi Nurisnaini, S. Pd., Pengetua SD Lab, kepada delegasi UiTMCPH-MSAS yang diketuai oleh Tuan Haji Azmy Murad Mohamed Yatim, Pengetua MSAS. Seramai 30 pelajar SD Lab berumur antara 10 hingga 11 tahun telah didedahkan kepada modul

UiTM Pahang Perkukuh Kolaborasi Serantau Melalui Program Khidmat Komuniti Universiti (USR) di Indonesia – UiTM NewsHub

aktiviti berasaskan STEM (Sains, Teknologi, Kejuruteraan dan Matematik) yang direka khas oleh Konsultan UiTM. Antara aktiviti yang dijalankan termasuk “Sampan Layar”, “Cabaran Boomerang”, “Cabaran Roket Belon”, dan “Cabaran Dengar, Tulis dan Lukis”. Walaupun terdapat sedikit jurang bahasa, kesemua peserta berjaya menyiapkan aktiviti dengan bantuan fasilitator pelajar MSAS yang turut dilatih bagi membina kemahiran komunikasi, kepimpinan dan sahsiah diri dalam konteks antarabangsa.

Program diteruskan dengan sesi perkongsian ilmiah bersama tenaga pengajar SD Lab, yang menampilkan dua pembentangan utama oleh Konsultan UiTM bertajuk “Parenting Today: The Reality and Challenges from the DASS Perspective” dan “A Gist of The Sustainability of the Teaching Profession”. Sesi pertukaran pandangan yang berlangsung secara santai namun berimpak tinggi ini telah membuka ruang dialog akademik yang menyokong usaha UiTM ke arah pencapaian Matlamat Pembangunan Mampan (MPM) 3 – Kesihatan dan Kesejahteraan, MPM 4 – Pendidikan Berkualiti, dan MPM 17 – Perkongsian untuk Matlamat.

Kolaborasi ini selari dengan aspirasi UiTM sebagai “Globally Renowned University”, dan telah berjaya menonjolkan kepakaran serta kewibawaan tenaga akademik UiTM Cawangan Pahang bukan sahaja dalam konteks komuniti tempatan, tetapi juga di peringkat antarabangsa. Selain memperkukuh imej UiTM Cawangan Pahang, program ini turut memberi impak positif kepada MSAS, yang merupakan Sekolah Angkat UiTM Cawangan Pahang, dalam usaha memperluas pengiktirafan di peringkat serantau.

Pihak SD Lab dan Universitas Negeri Malang turut menyampaikan harapan agar kolaborasi sebegini dapat diteruskan pada masa akan datang, sebagai usaha berterusan dalam memperkukuh jaringan akademik dan komuniti antara Malaysia dan Indonesia.

Penyunting: Yang Mulia Prof Madya Tengku Intan Suzila Tengku Sharif



Tags: [Ibuanda As-Sultan Ahmad Shah Al-Bukhari \(MSAS\)](#), [SD Lab Universitas Negeri Malang](#), [UiTM Cawangan Pahang](#), [Universiti Teknologi MARA \(UiTM\)](#)

< [Batik Merbok Serlah Identiti Kedah di Festival Hari Muzium Antarabangsa 2025](#)

[MPP UiTM Laksana Lawatan Penanda Aras ke Indonesia bagi Penubuhan Koperasi Mahasiswa](#) >

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul
Ehsan
Malaysia

Tel: +603-5544 2051 / 2000



